

自敘

余性素拘。凡所著述。皆言其所明。弗明者。弗敢言也。夫明非徒喻其理之謂。謂必得所傳授。親習其事。有以證其理之不差。而後曉然於心者。亦曉然於手與目斯之謂明也。如是言之。則皆確鑿可據。非浮光掠影之談。非臆測傅會之語耳。余於醫傳。自孫慶曾先生。凡男婦大小。爲脈爲症。皆得之親受。故試之診視。固弗取效前著傷寒綱目。雜病源流。婦科玉尺。皆曉然于心。與手目一一筆之于書者也。初科中獨痘瘡一症。其旨微。其候險。其變化百出。必臨症指示。而後能悉其精微。知其蘊奧。孫先生與前輩葉天士同出一門。固精於痘而余于受業時。非專屬行醫。弗獲相隨痘家。親聆教誨。故獨於痘。弗敢言也。雖古痘醫首推錢仲陽陳文中。後如曾氏萬。

氏湯氏魏氏皆接兩家宗派而翟氏聶氏尤能闡明錢陳底
蘊其書具在未嘗不深切窪明曉然于理之所在然未得臨
症指示所謂曉然于心未能曉然于手與目也既不能曉然
于手與目其敢自謂已明而妄有言乎故輯幼科釋謎六卷
共分二十四門獨闕痘症非竟闕也庸有待也孫先生雖已
捐世或得一精其業者受其傳焉則闕者未嘗不可補矣釋
謎既成因書其故以冠于首時

乾隆三十九年甲午十二月上澣無錫沈金鰲竿綠氏自書

是書獨闢痘症。已詳明白敘中。其餘共分二十四門。雖症變多端。或有不盡于此者。更當臨症消息。然大段備具。已足該幼科綱領。

二十四門症候。各著四言韵語。闡明義理。不列散文者。便誦習也。但韵語中。探源析流。義尚簡括。閱者當求意旨之所在。勿以爲畧而短之。

一韵語後。各採前人議論。以相發明。要皆擇其至精至當。歸於一。是足爲幼醫科律者。故書中所登。無錯雜。無重疊。無支離。無牽扯。

一是書刪繁就簡。雖卷帙無多。實足發明病旨。遵守斯法。已大概無悞。若更神而明之。則存乎其人矣。

一。芽兒臟氣未全。不勝藥力。周歲內非重症。勿輕易投藥。須酌法
治之。卽兩三歲內。形氣畢竟嫩弱。用藥亦不可太猛峻。攻驟補。
反受藥累。

一。兒病多由食積。固是要語。醫家不可不知。然亦有稟受薄弱。或
病後虛怯。其所生病。有全無食積者。不得以此語橫亘心中。仍
爲消導。卽或有之。亦當扶正而使積自消。消息甚微。當意會母
執。

一。古人治幼兒。或專攻。或專補。或專涼。或專熱。皆有偏處。是書宗
旨。一以中和。當病爲歸。不敢偏于攻補涼熱。

一。病家怕驚。不怕瀉。醫家怕瀉。不怕驚。要知驚瀉俱爲重候。在病
家。罔知病症。固無足怪。醫家旣怕瀉。又安得不怕驚耶。若存不
怕之念。恐有輕心妄治。以致害者。不可不慎思之也。

一古人製幼方必使藥品與幼兒相得本與大方有別醫者固不可執古方以治今病亦不可妄作方劑有背古人之意此言亦甚微明者自領之。

一嬰兒兩三歲內全屬天真痛癢不能自達其時脉雖不可憑而觀色察形或視三閨指紋醫者反得依據有一種嬌養小兒至四五歲六七歲知識略開便生詐僞不饑爲饑不渴爲渴不癢爲癢不疼爲疼父母溺愛不知諄諄告醫醫若不察便爾多悞此又當觀色于色之外察形于形之表以辨其情僞者也切勿爲他瞞過。

幼科釋謎目錄

卷一

總論

初生諸疾

驚風

卷二

癰瘡

諸疳

發熱煩躁

傷寒

麻疹

瘧疾

卷三

黃疸

水腫

腹痛腹脹

痞結積癰

食積

吐瀉単吐単瀉

痢疾

卷四

感冒

痰涎

咳嗽哮喘

啼哭

汗

耳目鼻口舌齒咽喉

二便

脫肛肛痒

丹毒

卷五

應用方

卷六

應用方

沈氏尊生書卷一總論

幼科釋謎

沈金鰲輯

上海朱增惠春坪氏校刊

運合陰陽。胚胎在腹。五行相參。乃成孕育。逐月成形。男女攸屬。九竅既分。收體隨畜。臟區以五腑部。以六內生筋骨。外弸肌肉。至于經脈。無不聯屬。至于毛髮。無不攢簇。氣通于母。呼吸盈縮。母息是同。如璞孕玉。母熱熱侵母寒。寒促母怒。脈興母驚。陰觸母思。氣拘母憂。神跼凡此諸因。皆能停毒而毒之停更甚。滯慾毒停。先天後天。斯酷古。人胎教所由諄勗。十月涵濡。胎元具足。一旦臨盆。帶脫瓜熟。此後哺乳。更須周篤易虛。易實疚病。惟速疾痛莫知。疴癢誰告。如啞不言。如謎難卜。保赤維艱。常憂手束。遍攷方書。廣搜秘錄。識取其精論。採其卓爰。輯斯編。釋謎標牘。旣分門類。更詳款目。欲

幼幼者當爲三復。

察色 錢乙曰兒醫號爲啞科脉來駛疾難懸故以察色爲要形色若不相應然後聽聲切脉如面上症左頸爲肝右頸爲肺額上爲心鼻爲脾頤爲腎赤者熱也黃者積也白者寒也青黑者痛也隨症治之文如目內症赤者心熱導赤散淡紅者心虛熱生犀散青者肝熱瀉青丸淺淡者補之黃者脾熱瀉黃散無精光者腎虛地黃丸若見面目浮腫主久咳嗽乃脾受疳積也又如唇上症白主吐涎嘔逆吐白便血紅主渴飲煩躁若久咳瀉唇紅者是虛症也勿用涼藥黃主脾受積後發腫紫色及吐涎主虫痛不吐涎是積痛唇口四畔黃如橘主口臭乃脾之積熱也青主血虛脾寒爲冷所乘蓋唇主脾土木來尅土知脾弱不能食也又如舌上症凡小兒舌乾舌燥舌胎舌黃舌赤腫

皆主大便不通或通利必赤色焦黃如舌裂舌上芒刺舌上出血皆熱極陽毒也舌上生瘡心脾有熱舌捲主驚久患瀉利舌黑而潤不可認爲熱蓋久病上焦虛熱故也久瀉利舌黑者必死

李仲甫曰面上青色爲驚積不散欲發風候紅赤色爲熱爲痰積壅盛驚悸煩躁增進黃色亦爲熱爲食積癥傷欲作瘧候或作痞癖若神思昏沉其候潮熱氣粗困倦或嘔噦或瀉痢白色爲寒爲肺氣不利大腸滑洩欲作吐利黑色爲痛所傳不煩變症卽爲逆候榮衛失序爲疾危惡虞搏面上形症歌曰痢疾眉頭皺驚風面頰紅渴來唇帶赤毒熱眼瞼朶山根若見脉痕青此病明知兩度驚赤黑困疲時吐瀉色紅啼夜不曾停青脈生于左太陽須驚一度見推詳赤是傷寒微燥熱黑青知

是乳多傷。右邊青脈不須多有。則頻驚。待奈何。紅赤爲風抽。眼目黑青三日見閻羅。

李梴曰。小兒諸病。但見兩眼無精光。黑暗無運轉。目睛無芒鋒。如魚貓眼狀。或兩眼閉而黑暗朦朧者死。或外若昏困而神藏于內不脫者生。黑珠滿輪。睛明者少病。眼白多。睛珠或黃或小者。羸弱多病。

聽聲

危亦材曰。睡中驚啼聲浮者易治。聲沉不響者難痊。或聲如鶴中彈者不治。

李梴曰。聲輕者氣也。弱也。重濁者痛也。風也。高喊者熱欲狂也。聲急者神驚也。聲塞者痰也。聲戰者寒也。聲噎者氣不順也。喘者氣促也。噴嚏者傷風也。驚哭身沉不響者重也。聲濁沉靜者。

疳瘍也。如生來不大啼哭聲啾唧者必天也。火之大發忽狂驚叫乃火盛氣虛必死。夜半發者多有口瘡宜看之。直聲往來而無淚者痛也。連聲火甚絕而多淚者驚也。慈煎聲煩躁者難愈躁促聲音者感寒也。

李仲南曰：小兒有疾，既見于色，必應于聲。其聲不一，必細審之。有重實聲者，歌曰：重實聲，確體熱爲三焦氣壅在心脾，傷風咳嗽，咽喉痛，結滯腸中糞出遲。有悲焦聲者，歌曰：聲悲焦，有燥恐怖，欲生風。重濁聲沉靜，疳攻必耳聾。有啼哭聲者，歌曰：但哭無啼，只有驚。多啼不哭，痛分明。聲輕顫，嘔風癟。病速緩聲，頻吐瀉成。有憇煎聲者，歌曰：憇煎煩躁病難安。燥促聲音爲感寒語短氣微。尿主澁，長遲聲細痺。多般有遲緩聲者，歌曰：促短聲遲緩，腸鳴洩瀉，頻嘔聲多不響。風熱肺虛因。

脈法

錢乙曰。候兒脈當以大指按三部。一息六七至爲平和。八九至爲發熱。五至爲內寒。訣曰。小兒脈緊風癟候。沉緩食傷多嘔吐。弦急因知氣不和。急促急驚神不守。冷則沉細風則浮。牢實大便應秘。久腹痛之候緊而弦。脈亂不治安可救。變蒸之時脈必亂。不治自然無過謬。單細疳癆洪有虫大小不勻爲惡候。脈沉而遲有潮熱。此必胃寒來內寇。瀉痢脉大不可醫。仔細酌量宜審究。

王肯堂曰。張雲岐云。未及五歲不能視聽者。不可別脈。五歲以上。方可以脉別浮沉遲數。按前錢氏論。則不拘五歲上下也。小鏡訣又云。三歲以內看虎口三關。若三歲以下。更用一指按高骨。乃分三關。定其息數。呼吸八至爲平脈。九至不安。十至危困。

四歲以下用一指亥轉等三部以關爲準七八歲移指少許九歲次第依三關部取十二二歲後依大方脉部位診視按此又與前二說不同醫者臨時參酌用之可耳

脈應雜病

王肯堂曰諸脉數爲熱屬肺諸遲脉爲冷屬臟陽數脉主吐逆不吐必發熱陰微脉至洩瀉不瀉必盜汗沉數脉寒熱寒多熱少亦主骨蒸熱緊數脉寒熱多寒少又主骨蒸急則驚癇沉緊脉心腹痛短數同亦主咳嗽沉細脉乳食不化亦主腹痛下痢沉伏脉爲積聚亦主霍亂微緩脉乳不化泄瀉沉緩亦同微澁脉瘻癰筋攣微急脉寒熱頭疼身熱緊滑脉吐血惡心心脉急浮緊脉瘻氣耳聾浮洪脉頭疼身熱緊滑脉吐血惡心心脉急數驚癇否則瘻淋肝脉急癲癇風癇痰涎流液肺脉浮實鼻塞

并大小便不通。關脉緊滑。主蛔虫。尺脉沉同。尺脉微細。溏洩冷利。乳食不化。尺脉微澁。便血。否必盜汗。脉入魚際。主遺尿。

看虎口三關法

滑伯仁曰。小兒三歲以內。看男左女右虎口三節。曰三關紋色。紫熟紅傷寒。青驚風白疳病。黃色淡紅乃平常小恙。其筋紋宜藏。不宜暴露。若黑色。則爲危險。再脉紋見下截風關爲輕。中截氣關爲重。上截命關爲尤重。直透三關爲大危。鰲按。從前言看三關法。雖大同小異。搃不如滑氏之直截明簡。

王肯堂曰。全幼心鑑十三種脉紋云。流珠。只一點紅色。環珠。差大長珠圓長。以上非謂圈子。總皆紅脉貫氣如此。來蛇卽是長珠散出一頭。去蛇亦如此。分上下向。故曰來去角弓。長張向裡爲順。向外爲逆。鎗形直上。魚骨分開。水字卽三脉並

形針形卽過一二粒米許。射甲命脈向外透。指命脈向裡。雖然。余嘗治之。亦有不專執其形脈而投劑者。蓋但有是症。卽投是藥而亦多驗。流珠形。主飲食所傷。內熱欲吐。或腸鳴自利。煩躁啼哭。用助胃膏環珠形。主脾胃虛停食。胸膈脹滿。煩渴發熱。五味異功散。加山楂枳實。長珠形。主脾傷飲食腹痛。寒熱不食。大安丸。異功散。來蛇形。主脾胃濕熱。中脘不利。乾嘔不食。此疳邪內作。四味肥兒丸。去蛇形。主脾虛食積。吐瀉煩渴。氣短喘急。不食。困極。七味白朮散。弓反裡形。主感寒驚悸。悶氣出氣。四肢稍冷。倦怠小便赤。咳嗽吐涎。惺惺散。弓反外形。主痰熱心神恍惚。夾驚夾食。風癟痰盛。天麻防風丸。鎗形。主風熱生痰驚。抱龍丸。魚骨形。主驚痰發熱。抱龍丸。抑青丸。水字形。主驚風食積。胸膈煩躁悶少。食或夜啼痰盛。口噤搐搦。大安丸。針形。主心肝熱。

極生風驚悸。頓悶困倦。痰盛搐搦。抱龍丸射指形。主驚風痰食。
聚膈牛黃清心丸。射甲形。主驚風及一切木尅土之敗症。六君
子湯加木香。鈎藤鈎官桂。未應。卽加附子。